



CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: correo@laxe.es

Expte: 2021/E001/000004

Asunto: Presentación de solicitudes ao proceso de contratación de persoal para o programa de subvencións da Axencia Turismo de Galicia para o financiamento do gasto de persoal de turismo no ano 2021

PROVIDENCIA DA ALCALDÍA

O Concello de Laxe solicitou á Axencia Turismo de Galicia unha subvención a través da Resolución do 10 de xuño de 2021 pola que se establecen as bases reguladoras para a concesión, en réxime de concorrencia non competitiva, de subvencións a concellos declarados municipios turísticos e a xeodestinos de Galicia, para a contratación de persoal nas oficinas de turismo nos meses de xullo, agosto e setembro, e se convocan para o ano 2021 (código de procedemento TU900A), publicada no DOG núm. 117 de 22 de xuño de 2021.

As bases do proceso selectivo para realizar a contratación foron aprobadas por resolución da Alcaldía núm. 382/2021 de data 12/07/2021.

No tocante á presentación de solicitudes de participación no proceso selectivo atenderase ao seguinte:

PRESENTACIÓN DE SOLICITUDES

1.-As solicitudes para participar no concurso-oposición axustaranse ó modelo que figura no Anexo I das bases da convocatoria, e **deberán presentarse no Rexistro Xeral do Concello, durante os 3 días hábiles posteriores á comunicación por parte do Concello de Laxe aos candidatos preseleccionados pola oficina de emprego de Carballo**, previa presentación das ofertas de emprego correspondentes por parte do Concello. A comunicación aos desempregados farase a través do teléfono ou do correo electrónico que figure na documentación remitida dende a oficina de emprego de Carballo.

As instancias tamén se poderán presentar na forma que determina o artigo 16.4 da Lei 39/2015, do 1 de outubro, de procedemento administrativo común das administracións públicas.

Tendo en conta a situación actual de pandemia provocada pola Covid-19 e para asegurar os principios de igualdade e non discriminación entre as persoas e para garantir en todo momento a seguridade e a protección das persoas aspirantes, o Rexistro Xeral presencial nas dependencias municipais será accesible mediante cita previa.

2.-Á instancia unirase inescusablemente:

- a) Fotocopia do Documento Nacional de Identidade.
- b) Fotocopia do título que da acceso á participación no proceso selectivo, xustificante de ter cumpridos tódolos requisitos para a expedición do mesmo, ou, no caso de titulacións obtidas no estranxeiro, credencial que acredite a súa homologación, expedida polo organismo correspondente.
- c) Tarxeta de demandante de Emprego
- d) Fotocopia do título de Celga 3 ou equivalente, se é o caso.

3.- Os aspirantes que non posúan a nacionalidade española e sexan nacionais dun Estado membro da Unión Europea, con dereito a participar nalgún proceso selectivo, deberán presentar unha fotocopia do pasaporte ou documento que acredite a súa identidade e nacionalidade. De ser o caso, tamén presentaran os documentos que confirmen o vínculo de parentesco e o feito de vivir a expensas ou estar a cargo dunha persoa nacional doutro Estado co que teña o dito vínculo. Así mesmo, deberán



CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: correo@laxe.es

achegar unha declaración xurada ou promesa da dita persoa de que non está separado de dereito do seu cónxuxe e, de ser o caso, do feito de que o aspirante vive ás súas expensas ou de que está ó seu cargo.

Os demais aspirantes estranxeiros, xunto coa fotocopia do seu pasaporte en vigor, deberán acompañar copia do documento que acredite que están habilitados a residir e a poder acceder sen limitación ó mercado laboral en España.

Coa presentación da instancia para tomar parte no proceso selectivo entenderase que os interesados aceptan e acatan todas e cada unha das Bases da convocatoria.

4.- Presumirase que a documentación é auténtica, e unicamente será requirida a presentación da documentación orixinal aos aspirantes que finalmente sexan seleccionados. No caso de detectarse falsidade documental, será motivo de exclusión do proceso. Non serán valorados aqueles méritos que non queden debidamente acreditados, en todos os seus extremos, dentro do prazo de presentación de instancias. Ou aqueles méritos que non fosen alegados e xustificados debidamente no momento de finalizar o prazo de presentación de instancias, nin aqueles documentos que non conteñan os datos que segundo as presentes bases sexan necesarios para valorar os méritos a que se refiren.

5.-Os erros de feito que puideran advertirse poderán ser subsanados en calquera intre, de oficio ou a petición do interesado.

6.-Os aspirantes quedan vinculados ós datos que fagan constar nas súas solicitudes, podendo demanda-la súa modificación mediante escrito motivado, dentro do prazo establecido para a presentación de solicitudes, transcorrido o cal non se admitirá ningunha petición desta natureza.

7.- Rematado o prazo de presentación de instancias o Alcalde do Concello ou Concelleiro en quen delegue ditará resolución aprobando a lista de aspirantes admitidos e excluídos, que se publicará no Taboleiro de Anuncios da Casa do Concello e da sede electrónica.

Esta lista será definitiva no caso de non haber persoas excluídos/as.

8.-Os aspirantes excluídos, así como os omitidos na relación de admitidos ou excluídos disporán dun prazo de 2 días hábiles contados a partir do día seguinte ao da publicación da resolución no Taboleiro de anuncios da Casa do Concello para subsanar os defectos que motivaran a súa exclusión ou a súa omisión das relacións de admitidos e excluídos. Os aspirantes que dentro do prazo sinalado non subsanasen a exclusión ou non alegasen a omisión, xustificando o seu dereito a seren incluídos na relación de admitidos, serán definitivamente excluídos deste proceso. De non se presentaren reclamacións dentro deste prazo, a relación de admitidos elevarase a definitiva.

9.-Contra a resolución pola que se aproba a lista de aspirantes admitidos e excluídos, así como contra aquelas outras que resolvan a subsanación de defectos ou omisión de inclusión da que se trata, poderán interpoñerse os recursos a que haxa lugar en Dereito.

En Laxe, na data de sinatura electrónica.

O Alcalde,

José Luís Pérez Añón